

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

Desember 2021 December

Die jaar van groot onsekerhede is amper agter die rug en die nuwe jaar wat voorlê is onbekend, selfs vreesaanjaend as jy aan ons land, die virus en die wêreld met al sy woelinge dink. Ons weet egter, as ons hoop op dit wat ons nie sien nie, en daarop wag met volharding, die vrede wat alle verstand te bowe gaan, gedurende hierdie feesseisoen en in 2022 ons deel sal wees

Met kerstyd voor die deur is daar baie mense wie Kersfees sonder hul geliefdes se teenwoordigheid gaan wees. Saam met die vreugde van die Kerstyd is daar ook vir baie hartseer en teleurstelling en laat my dink aan die liedjie,

"Whispering Hope: Soft as the voice of an angel, breathing a lesson unheard. Hope with a gentle persuasion, whispers her comforting word."

"We have hope as an anchor for the soul."

PRYSUITDELING EN JAAREINDFUNKSIE het plaasgevind op 27 November 2021

Die prysuitdeling het eerste plaasgevind. Hartelike dankie aan Spencer Fourie wie vir ons die fotos van die bekerwenner geneem het. Hierna het Liezel en haar span ons getrakteer op 'n vyfster ete, afgesluit met 'n heerlike soete verleiding. Martin Snyman het gereël vir gratis wyn op die tafels en dit het bygedra tot 'n gesellige atmosfeer. Baie dankie Martin.



Baie dankie vir die bestuur wat so hard gewerk het en die res van die lede wat gehelp het om hierdie dag ekstra spesiaal te maak. Dit was 'n reuse sukses.

Kompetisie- wenners 2019-2020

- a. Mans Beginners Enkelspel Herman du Plessis
- b. Mans Seniors Enkelspel Herman du Plessis
- c. Mans Enkelspel Kampioen Wim v.d. Waals

- d. Dames Beginners Enkelspel Veronica Bannenbergh
- e. Dames Seniors Enkelspel Ria Coetzee
- f. Dames Enkelspel Kampioen Dawn de Beer

- g. Dames Gekose Pare Felicity Janse van Rensburg en
Dawn de Beer



a en b



c



d



e



f en g



h-1



h-2

- h. Cliff and Joan Church Merit Trophy
- h-1. Dame Mari Flint
- h-2. Man Gert Goosen

Kompetisie- wenners 2020-2021

Mans

- a. Beginners Enkelspel Frans Human
- b. Seniors Enkelspel Ted Harley
- c. Enkelspel Kampioen Bosman Olivier

- d. Gelote Pare Johan Meaker en John Pereira
- e. Gekose Pare Herman du Plessis en J Meaker



a



b



c



d



e

- f. Gelote Driebal T. Pietersen, B. Kleingeld, G. Nisbet
- g. Gekose Driebal T. Pietersen, B. Kleingeld, G. Nisbet
- h. Gelote Vierbal B. Olivier, H. du Plessis, G. Nisbet, J. Pereira

- j. Beste vordering Gerrit Kamper
- k. Victor Ludorum Gavin Nisbet



f en g



f en g



f, g, h en k



h



j

DAMES:

- a. Beginners Enkelspel
- b. Seniors Enkelspel
- c. Enkelspel Kampioen

Marie-Louise James
Thea Opperman
Hermien Velleman

- d. Gekose Pare
- e. Gelote Pare

Annie Marais en Marsha Greyling
Hendrina Haupt en Christa Roux

- f. Gelote Driebal

H. de Lang, H. Velleman en M. Steyn



b



c



d



e



f

- g. Gelote Vierbal

F. Janse v. Rensburg, H. Velleman,
C. Marais en M-L James

- h. Victrix Ludorum

Hermien Velleman

- j. Gemengde Gekose Pare

Gerrit en Tillie Kamper

- k. Dames Beste Vordering

Maria Steyn

- l. Cliff and Joan Church Merit Trophy

Dame
Man

Annette Olivier
Dawid Hanekom



g



g



h



j



k



l

BGN

Centurion was goed verteenwoordig, deur die mans en dames, in die BGN se Beginners, OPE en VETERANE kompetisies. Geluk aan Elize en Maria wie albei hulle seksies gewen het in die Beginners kompetisie en toe in die halfeindronde teen mekaar te staan gekom het. Dit was 'n naelbyt telling en Elize het as die wenner uit die stryd getree. Sy was ongelukkig naaswenner in die finaal. Baie geluk, julle is albei kampioene en Centurion is trots op julle.

"Acknowledging mistakes is better than faking perfection."

Baie geluk Hermien! Sy het die afrigterskursus suksesvol voltooi. Die klub het nou 5 afrigters, nl.

Bosman Olivier
Wim v d Waals

Kobus Nieuwoudt

Leon Smit
Hermien Velleman

"If you continue to carry the bricks from your past, you will end up building the same house."

BELANGRIKE DATUMS.

15 Januarie 2022	Begin dames gelote vierspan.
20 Januarie 2022	Begin die TWILIGHT PAIRS.
12 Februarie 2022	Liga Begin
12 Maart 2022.	Fondsinsameling no,2
7 Mei 2022	Meyersparkdag met Centurion as die gasheer.
23 Julie 2022	Vierhoekige byeenkoms

"Wherever you are: be all there"

Nuwe Lede

Hartlik welkom aan

Susaar van Rooyen

Koos Schoeman

Ernst v d Venter

"If you judge people you have no time to love them."

LIEF & LEED

Chris Carstens het 'n operasie ondergaan maar hy is alweer op die baan

In Memoriam.

John Brain Ralph 09-10-1940 – 21-11-2021

Our sincere condolences to Judy and her family on the passing of our dear friend.

We all have fond memories of John and will miss him and his dedication to the game of Bowls.
Death takes the body.
God takes the soul
Our mind holds the memories
Our heart keeps the love and
Our faith lets us know we will meet again.



“Be a rainbow in someone else’s cloud.”

Die ROBOT 2-4-2 Mini fondsinsameling was ‘n reuse sukses en ons sê baie dankie aan Leon wat die reëlins op hom geneem het en alles vlot laat verloop het. Baie dankie ook aan Liezel vir heerlike eetgoed en vir al die lede wat haar bygestaan het. Dankie ook aan Duo dat jy vir lafenis in die hitte gesorg het.

WENNERS by die ROBOT 2-4-2 fondsinsameling:

Rooi afdeling:	Matie en Herman
Oranje afdeling:	Annie en John
Groen afdeling:	Lourens en Anette

BAIE GELUK AAN ALMAL!!

OP LIGTER LUIM

Haai Ma,

Dis al ‘n maand vandat ek laas van my laat hoor het. Kobus Nuweboude het gesê dat ek nou reg is om my bounce game te speel. ‘n Bounce game is waar jy jou eerste wedstryd saam met ander litte van die klub speel.

My bounce game was vandag. Ek moes klubklere aantrek – dis ‘n wit broek, met ‘n hemp met prentjies van balle op, asook ‘n geheimsinnige rolbalspeler. Ek dink dis eintlik ‘n foto van een van die vroue hier by die klub, wie se hare net soos die geheimsinnige rolbalspeler, regop staan. Haar naam is Doortjie Doeplexis en ek dink sy is familie van die ander mense hier met dieselfde van.

Haar man speel ook en hy is Louwarm Doeplexis. Dan is daar Oom Doeplexis met die growwe stem, en sy vrou Tannie Best, want sy is baie goed. Dan is daar nog twee Doeplexises, ‘n professor en haar man. Die vrou, het laas week tweede gekom in Noord Gauteng se Novelty afdeling.

Kobus Nuweboude het saam met my in my bounce game gespeel want hy wou sien of ek reg bounce. Hy was my Skiep. Die skiep wat teen ons gespeel het, se naam is Tannie Annie Beautiful. Sy speel baie goed en skree beautiful as iemand genoeg gras vat. Ek vat nog steeds nie genoeg gras volgens Kobus nie, maar het nou al genoeg by die huis om ‘n instant lawn besigheid mee te

begin. Tannie Annie is bekend vir haar akrobatiese toertjies op klubhuisplastiekstoele.

Die vrou wat teen my gespeel het, (ons is luie), was Zinzan Mulder. Sy het al verskeie kere na 'n nes toe gegaan waar hulle jou beter leer speel. Die nes is in die Berge, amper daar waar Heidi en Peter vandaan kom. Haar man, het ook in my bounce game gespeel. Hy moes tweede speel, en hy het tweede gekom. Hy is altyd erens besig met grassnyers en masjiene, seker hoekom sy naam ook Erens is.

Ma moet asseblief vir my 'n paar lappe hekel. Mens gebruik die lappe om jou balle mee te polish. Meeste van die mense hier het een so lap, maar tannie Louie Lappe het 'n hele vrag. Sy kan almal se balle polish as sy wil, maar sy is gewoonlik te besig om te gesels, en vergeet dan haar lappe op die baan.

Die wit balletjie wat ons na mik met ons groot balle, se naam is Jack, maar die vrouens noem hom Kitty. Daar is mense wat nie die name kan onthou nie, hulle praat van die witte. En party wittes is geel, maar niemand praat van geles nie. Ek voel sommer weer so deurmekaar soos in standerd sewe met daai Matesis wat ek moes vat.

Die vrouens is baie gaaf, en het my gehelp om die regte klere te kry. Die klub het ook 'n sekretaresse nes soos die Vrouefederasie daar by ma-hulle. Hierdie een se naam is Hermien Veldskoek. Sy is baie vriendelik en doen meeste van die werk by die klub, want sy weet waar alles is. Sy was 'n fisio. Dis iemand wat mense se spiere regmaak.

Ons het ook al 'n prysuitdeling gehad, maar ek het niks gewen nie – dis al weer nes op skool. Die mense wat iets gewen het, het sulke groot bekere gekry, maar hulle moes dit weer teruggee. Daarna het almal lekker geëet. Ons het tot ons eie chef hier so. Haar naam is Liewe Liesel en sy maak al die kos en tee. Daar is darem ander mense wat haar help, soos Tannie Marie Vuurklip. Tannie Marie verkoop ook huise as ma sou wou hierheen trek.

Ons kry elke keer as ons speel, en dit is halftyd, tee en koffie. Party dae is daar sommer baie koek ook, amper soos by die vendusie. Wanneer dit halftyd is, lui iemand 'n klok. Ons het ook halftyd gehad toe ek in die bounce game gespeel het. Dan mag jy ook kamerverlaat.

Soos ma kan sien, is ek orraait. Ek eet en drink genoeg en ek soek nog na die regte vrou. Ek het gehoor dat een ou hier vir hom 'n vrou tussen die lot vrouens hier kom vat het. Sy van is Maker, omdat hy so goeie plan Maker is. Nou is sy nuwe vrou se van ook Maker. Hy is die Eerste Minister van die klub, net onder die president.

O ja, ek dink ons span het gewen in my bounce game, want Zinzan het vir my 'n bier gekoop. Kobus Nuweboude het weer net 'n koordlose bier gedrink, want hy moes nog huistoe ry.

Nou is ek 'n lid van die klub en mag ek drie keer 'n week kom speel. Ek mag

ook nou saam met die ander litte op die sagte stoele sit. Ek het ook 'n nommer gekry op so ronde plat skyf. Mens noem dit 'n Tap. Voor ons speel moet ons ons Taps in 'n kollekteboksie gooi. Dan baklei van die omies hier vir 'n ruk en dan eers weet mens saam met wie jy gaan speel. Dis dan nie meer bounce games nie.

Groete aan oom Tiny

Kleinjan

VERJAARSDAE GEDURENDE DESEMBER.

Hartlik geluk en seënwense vir die nuwe lewensjaar

- 2 Chris van der Merwe
- 3 Chris Carstens
- 4 Ernst Muller
- 12 Cathy Austen
- 19 Alie Grobler
- 19 Piet van der Merwe
- 31 Ted Harley

VERJAARSDAE GEDURENDE JANUARIE 2022

Baie geluk mag dit 'n jaar vol liefde en seëninge vir julle almal wees.

- 3 Francis Slabber
- 7 Annatjie de Wet
- 7 Andre Visser
- 10 Theo De la Rey
- 16 Kas Landman
- 16 Alta van Wyk
- 16 Ronell van Zyl
- 17 Hermien Velleman
- 18 Theuns Prinsloo
- 19 Rob du Preez
- 21 Johan le Roux
- 27 Mari Flint
- 27 Rina Meyer

Vrouens is nes vrugte. Elkeen het haar unieke kleur, geur, vorm en smaak. Die ongeluk is net, die meeste mans verkies vrugteslaai.

Diensrooster vir Desember 2021 en Januarie 2022

Belangrik - Speeltye het vanaf 1 Oktober verander. Oggendspel 0845 vir 0900 en middagspel 1345 vir 1400

Pligte vir mans sluit die volgende in: Uitsit van bane, hys van vlag en drink water. Dames moet asb behulpsaam wees by die ingang om almal se

temperatuur te meet. Bane word op Dinsdae en Donderdae in die oggende en Saterdag namiddag uitgesit.

Voortaan word van die mans en dames verwag om ook die spanne uit te sit. As julle probleme ondervind, vra – daar sal altyd n helpende hand wees om te help.

Indien jy op n spesifieke dag/maand nie jou diensbeurt kan nakom nie is dit **JOU** verantwoordelikheid om uit te ruil of iemand in jou plek te kry.

Sameroepers moet asb onderling reël.

Desember 2021

Sameroeper Mans: Hannes Botha 083472 1944

Jan Ebersohn

Johan le Roux

Sameroeper Dames: Marsha Greyling 083 426 2369

Anita Beukes

Gertie Botha

Januarie 2022

Sameroeper Mans: Ted Harley 063 547 8790

Gert Cloete

Gert van der Westhuizen

John Perreira

Sameroeper Dames: Elize du Plessis 082 809 3903

Freda Cloete

Annette Olivier

Three choices in life: Give up. Give in or give it all you've got.

VAN WAAR GEHASI

HERMIEN VELLEMAN



Ek is gebore op 17 Januarie in Durbanville, Wes-Kaap. Ek is die middelkind van 5 kinders, 2 ouer broers en 'n jonger suster en broer. Ons het op 'n kleinhoewe in Durbanville groot geword, waar my ma met hoenders geboer het. My pa was 'n staatsamptenaar (landmeter) wat elke dag met 'n motortjie Bellville-stasie toe gery het en vandaar 'n trein gehaal het Kaapstad toe.

In 1966 is my pa skielik oorlede en my ma is toe weduwee op 42 met 5 kinders waarvan die oudste 22 en die jongste 6 was.

Ek het my hele skoolloopbaan in Durbanville voltooi en na matriek na Pretoria toe gekom om fisioterapie te studeer by die Kollege van Fisioterapie.

In 1974 is ek met Errol getroud en na 'n jaar in Pretoria, 2 jaar in Bethlehem, Vrystaat, het ons vir amper 20 jaar in Greytown, Natal gewoon. Daar het

Errol hom toe gekwalifiseer as 'n geoktrooieerde rekenmeester en sy eie praktyk begin. Ek het as fisio ook my eie praktyk gehad en van die huis gewerk.

Ons het 4 kinders, waarvan die oudste seun in Johannesburg woon met 'n dogter van 11 jaar. Ons 2e, 'n dogter is 'n radiografis op MRI's, met 'n Brit getroud en bly al meer as 10 jaar in Engeland. Hulle het 2 kinders, 'n seun en dogter.

Ons 3e kind, 'n seun, en sy familie bly in Kampsbaai nadat hulle vir ongeveer 7 jaar in Bermuda gewoon het. Hulle het ook 2 kinders, 'n seun en dogter. Ons jongste dogter bly in Hartebeespoortdam en werk by Discovery in hulle finansiële afdeling.

Ons het in 1997 Centurion toe verhuis waar Errol 'n pos by die destydse Departement Staatsbesteding aanvaar het. Hy is in 2008 oorlede.

My eie paadjie wat ek geloop het, was dat ek 1 Comrades voltooi het in 2001. Ek het 'n baie lekker hardloopgroep in Greytown gehad en toe ons na Centurion toe gekom het, het ek by 'n hardloopklub aangesluit. Dit was wonderlike drafjare met hegte vriendskappe wat mens op die pad gemaak het.

Ek het seker so 5 jaar gelede meer begin stap as draf. Ek en 'n vriendin het in 2018 die Tankwa Camino gedoen, 260km in 10 dae. Dit was 'n stap van Calvinia na Ceres. En in 2019 het ek en my 2 dogters en 1 skoonseun die laaste sowat 160km van die Camino de Santiago, Spanje, gestap. Dit was 2 onvergeeflike en lewensverrykende ervarings.

Ek het einde 2020 afgetree as fisioterapeut. Het my hele lewe gewerk as fisioterapeut waarvan ek die meeste van my tyd in my eie praktyk gestaan het. Nou speel ek voltyds rolbal, wat ek ongelooflik geniet. Ek het ook my gewig as sekretaresse van die Centurion Rolbalklub ingegooi. Dis baie uitdagend, maar ek hou van uitdagings en met die span waarmee ek saamwerk, kom 'n mens maklik die mas op.

Covid-19 het die klub die afgelope 2 jaar baie ontwrig. Ons is nou aan die einde van 2021 en mag ons almal vorentoe kyk en net die beste van enige situasie maak. Dit wat mens nie kan verander nie, aanvaar dit en maak die beste daarvan. Kyk vorentoe en moet nooit vergeet waar jou hulp vandaan kom nie.

Veilig reis die wat weggaan en laat ons volgende jaar nuwe vuur in ons klub inblaas.

**Warm wishes for a fabulous festive season and a Happy New Year.
May the spirit of Joy & Love be yours this Christmas time.**

oooOOooo

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: www.centurion.bowls-club.co.za

en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik